

**TAKĒLAYA NĶKA PŌLI NMAAWA
FILIPU
NYĒMA TŌ
Kūtultu**

Pə nəχəsəna isu saa wei PŌli ηmaakaya takēlaya kanē tŌ saləka taa ké ι weε. Mpa ι ηmaa-ke tŌ pa taa payale ta ke Yuta nyéma. PŌli lapəna IsŌ tēsēle yəlaa mpeye waasu na pá mu IsŌ Təm. Halı pa tilina PŌli ke kucəŋ ke təm payale. Pə tŌ ké PŌli ηmaa-we na í sēe-we na í tasa-weye layatu sı pá weε nəχŌ kulumaya na pá pasa pa ti isu Tacaa Yesu. I seyesəχi-we sı pá la laakalı na seyesəlaa pəpətənaa. PŌli seyesəχu loŋa səsaya nté sı yulu í weεna lanhuləmle paa wahala taa. **Isəna pa faya Filipu takēlaya tŌ:**

PŌli təmle, titite 1

IsŌ seelaa nəχŌ kulumaya na pa ti pasəχu, titite 2:1-18

Timotee na İrafəlotiti, titite 2:19-30

Laakalı na seyesəlaa pəpətənaa, titite 3:1-4:9

Sεεtu, titite 4:10-23

Sεεtu

¹ Taya Yesu Kilisiti təmle nyéma PŌli na Timotee.

Tá ηmaakəna takēlaya kaneye IsŌ yəlaa mpa pa we Filipu na pá tēma Yesu Kilisiti na pa taa tŌ, na IsŌ tēsēle səsaa na tŌ taa tēma lataa. ² Tá Caa IsŌ na tá SŌsŌ Yesu Kilisiti pá hólı-meye pēleε na pá lá na mə lanə huləmı.

Filipu nyéma tŌ səlaməχu

³ Paa waatu wei ké ma tŌasa mə tŌ ké isəntŌ, ma seeki ma IsŌ ké í na təmle ke mə tēna təpai mə tŌ

κέ. ⁴ Na paa waatu wei ké ma sələməyəna-meyə Išo, lanhulümle ke ma sələməyəna. ⁵ Mpi tɔ, í sənəm kuyaku kancaalaya nyəŋku wule na haləna saŋa na má yasəyi Laapaali Kupaŋ tɔ. ⁶ Ma nyəmə teu təkpaataa si Išo wei ɪ caala təmle kupante təneyə mə kin tɔ, ɪ ká la-teyɛ m̄p̄yó haləna tɛ kɔɔ na tɛ yoosi Yesu Kilisiti kuyaku wule. ⁷ Pə muna teu ké si má huu m̄p̄yó mə təna təpai mə tɔɔ. Ma luyɔ suu-meyə səsəm səsəm ké. Pə taya pulv tɔɔ, mə təna təpai í hika mə paa nyəm ke pɛɛɛɛ nna Išo lapa ma tɔ a taa ké. Ue paa pənente ma wɛv saləka taa isəntɔ yaa tuu ma tu wɛv na ma ti, si má taa yeke na Laapaali kupaŋ pəsi tetɛpulv, ama si má su-ɪ teu ké tɛka. ⁸ Ma yɔyɔtuyɔ si ma sɔla mə təna təpai ké isu isəna mpi Yesu Kilisiti sɔlvɔv-tuyɔ səsəm tɔ, Išo mayamaɣa nyəmə si tampana m̄p̄yó.

⁹ Nti ma sələməyi Išo ké mə tɔ tɔyɔle si mə sɔlvɔv í sɔsəyi tam, na nyəm kupampam səsəm na pə təna pə cekənav í wɛɛ mə sɔlvɔv taa. ¹⁰ Uena í pəsi na í ləsi mpi pə wɛ teu tɔ. Ye pə lapa mpv í ká la kupama na pa kaa na mə kin ke taali nəyɔlvɔv Kilisiti kuyaku wule. ¹¹ Na í ka la təma kupaŋ nna Yesu Kilisiti kəŋna tɔyɔ səsəm, na pə tɔ Išo ké teeli na samtv.

Isəna Kilisiti ké tá weesuyɔ tɔ

¹² Ma taapalaa ma caa si í nyi si tampana tɔɔ isəntɔ, mpi pə mayana-m tɔ pə waasaa ké, pə yelaa ké na Laapaali Kupaŋ sɔsəyi yav. ¹³ Pə yelaa na wulav təyaya tanlaa təna na yəlaa lelaa təna nyi si Kilisiti təmle lapv tɔɔ ké pa tv-m saləka. ¹⁴ Tá taapalaa taa payale nawa ma wɛ saləka taa, uena pá tɔki tənəŋ na Taca təm, haləna pá nyaya apalotv na pá heeliyi Išo Təm na sɔyɔntv fɛi-wɛ.

15 Paa na ma isəseemle tōō ké lelāa lakɪ Kilisiti waasu na səsəəntu hām hūwεε tō, lelāa ná lakɪ-i na hūwεε kɔpāna ké. 16 Pāne inɪ pele pā lakɔyɔ na səlɔyɔ wε pə taa tō, pā nyəmá sɪ lso tɔ-m sɪ má taa yele na Laapaali Kɔpān pəsi tetepɔlv təyō. 17 Ama lelāa ɔl kəlɔyɔ pεekɔyɔ tōō ké, paa paasəyɪ na pá heeli Kilisiti tōm kε isəna mpi pə mɔnaa tō se, pā hɔv ké sɪ ma wεv saləka taa tō paa səsɪ-m kɔnyəŋ na má ná.

18 Kpāi ké. Ye kɔpāntu yaa isayatu kɔlvkɔ ke pālvkɪ, mā lanle tu hεεwa. Mpi tō pā tu heela Kilisiti tōm. Na mā lanle ká hεε m̄p̄ȳȳ na p̄p̄ puki. 19 Pə taya pɔlv tōō, mā nyəmá sɪ mā sələməŋ na Yesu Kilisiti Feesuyɔ sənau tōō pə tənaya mpv pɪ məlɪ mā nyɔyɔ yāvɔ. 20 Mā tanāa na má tɛeləyɪ m̄p̄ȳȳ teu ké sɪ mā kaa təyō fεεle natəli. Ama pənente naani ké māa la teu isɪ mā lakɔyɔ tam tō, ɔlena má hólí Kilisiti səsəəntu kε mā tənɔyɔ tənā taa, paa mā na mā isε, paa mā səkɪ. 21 Pə taya pɔlv, paa māa wεε, Kilisiti kεle mā pə tənā. Na má tu səpā, ɔl pə kəlaa kεle. 22 Ntanyɪ ye mā wena mā isε, māa tāsā waasaya nakələyɪ lapv. Tōv, māa nyəŋ nti má ləsi tō se. 23 Pə kpəpā-m ké, mā nyuləyɪ ké sɪ má kpe na má wεε Kilisiti kin. Nti tō kəla-m teu təyōle. 24 Ama mə tōō ɔl, pə wεε ké sɪ má wεena mā isε. 25 Mā tēma mā taa ké teu na təle, pə tōō ké mā nyəmá sɪ mā kaa kpe. Na mā nyəmá sɪ má na mə tənā təpāi tu wεε, na māa sənā-mε na í polo ləlō ké mə lso sεεv mpaav taa, na í hiki lanhɔlvɔmle ke pə taa. 26 Pə tōō ké ye mā kəma na má məlɪ mə tε í ká hiki mā kin kε mpi í ká yəələna mə Yesu Kilisiti mpaav taa tō.

27 Kɔlvmtv ké sɪ í təkɪ yaasi wei ɪ kεesəna Kilisiti Laapaali Kɔpān tō. ɔl paa māa kəō mə nav yaa mā ta tu kəm, má nu sɪ í nyəō tɔŋ te, na í kpenta hūwεε, na í yoo taa tēm mpi Laapaali Kɔpān tɔyɔ-mε tō pə

yoou na lotu kolumtu ke mə təna. ²⁸ I taa yeke na mə kolontunaa nyaasəyi-meɣe pulɔ taa. Mpi pə hólóyí pɛle si pa təm ká te tənəŋnəŋ təɣəle. Na pə hólóyí-me si pu te na pə ya mə nyəəŋ, na Iso lakəna mpv. ²⁹ Pə taya pulɔ, Iso hana-meɣe mpaav si í la Kilisiti təmlɛ. Ilɛ pə taya i təə yuŋ tisuyu tike təm, ama na i təə konyəntəɣəle tətəɣə. ³⁰ Mə sɛɛwa ma təə ké pənɛntɛɣe na tɛ yoo yoou. Yoou ŋku í ná ma yoo hatuu ləŋ na í tu nyəmə tətə si ma tu tənəna-kuyv yoou tə, ŋkuyvɛ mpv na ŋku í yookuyv tə.

2

Kilisiti ti pasvɔv na i Iso nunav

¹ Mə na Kilisiti í kpɛntvɔv mpv tə pə səsəyi-meɣe toŋ nte? I səlɔvɔv səsəyi-meɣe apalvɔv nte? Mə na Feesuyv Nəŋŋtə í kpɛntə kolum na? I lakɪ təməyá yəlle na kɔpantv na? ² Təv, ye pə wɛ mpv ilɛ, ma wiina-me si í kpɛntɪ teu, na í sələyi mə təma, na í wɛna lotu kolumtu na hɔwɛɛ kolumɛɛ, na pə hɔlvɔsi ma laŋlɛ ke səsəm. ³ I taa la pulvɔv təma kəlvɔv təə, yaa teeli yem təə. Ama í pasa mə ti, na paa wei í nyəni i lɛlv isv wei i kəla-i tə. ⁴ Nəɣəlv í taa pɛɛkɪ i mayamaya i nyvɔv nyəntv tike, ama í təsəyi i təɣəntəlɛnaa təə. ⁵ I wɛɛna hɔwɛɛ nna Yesu Kilisiti ka hɔvkaya təɣə mə taa.

⁶ Hatuu tə i ka tu wɛna Iso wɛɛtv ké. Pə na pə mpv tə, pə ta tv-i si i pɛɛkəyi na í lana toŋ na í kpa Iso təə si i saala.

⁷ Ama i mayamaya i yelina pə təna mpi i ka wɛna tə na í kpaya yom wɛɛtv. I kpaya yəlaa wɛɛtv ké tətɛŋɛlɛŋ, na i kəməyá isv yvlv wɛv tə.

⁸ I tisaa na í pasa i ti na í nuna Iso ké mpóyó,
haləna i səm, səm mpi i səpa tesika təw tə.

⁹ Pə təw ké Iso kusa i nyuyv ke teu ke səsəm,
na í ha-i həte nte tə kəla həla təna təpaipai tə.

¹⁰ Pə təna mpi pə wəna weesuɣu
na pə wə isətaa na tetv təw
na tetv tē tə pə hənti-i atē.

¹¹ Na pə təna pə tisi si Yesu keke Səsə,
na pə ha Taca Iso ké teeli.

Isəna tu tee isu kəkəsı ke antulinya taa tə

¹² Ye mpv ile ma taapalaa, waatv wei maa wə mə
cəlw tə í nuna-m pə təna pə taa ké. Na paa pənente ma
fei mə cəlw, pə kəla teu si í nuna-m mpv tətə. I pəkəyi
mə nyəwɣ yəpə təm na səɣəntv na seluyv. ¹³ Pə taya
pəlv, Iso wēe ké na í laki mə taa ké tam, si me mu pəsi
na í səli na í lá mpi i ka suwa na í təɣəyi na í laki tə.

¹⁴ Kuntuyv na ntəɣkpeesaya í taa wēe pə təna mpi
í laki tə pə taa. ¹⁵ Ile í ká pəsi yəlaa mpa pa feina
taali na pá wə tənəɣ tə, na í pəsi Iso piya nsi si feina
kawalaya nakəlyi antulinya yəlaa kutakesəɣ na
asayaa pa həkv taa tə. Pəcə pə wēe ké si mu mɣyuna
kəkə ke pa həkv taa ké nyənənyəni isu isətulvɣasi ke
isətaa ¹⁶ na í heeliyina-weyə weesuɣu təm. Ye í laki
mpv, maa pəsi na má yəwəna-meyə Kilisiti kuyaku
wule ke teu. Tampana təw isəntə, mpv pu huləna si
ma təma təna na ma ləpə təna ta məli yem.

¹⁷ Ntanyi ma caləm ká lu, ma səm təm ke ma wəna
mpv. Na ye pu tu lapa mpv, pə wə isu kətaya ɣka mə
Iso seetv tasa Iso ké lapv təɣəle. Ye pu la mpv, ma lanle
hēewaya. Na má na mə təna tá lanja hēena. ¹⁸ Na mpv
tətəɣə na me, pə wēe ké si mə lanja í hēe, pə wēe si má
na me tá lanja í hēena.

Timotee na Irafəlotiti

¹⁹ Ma huɔ si, na Iso toŋ taa ye pə we isəna, maa tili Timotee ke mə teye nəɔnəɔ na má nu mə cakəle təm, na pə sɔɔsi ma mayamaya ke apalɔtu. ²⁰ I tike i wenna, na i səna-m mpi ma səpəna nyɔɔtu tə pə taa, na i paasəyəna mə təm ke na tampana. ²¹ Lelaa ilɛ, pɛle pa mayamaya pa niŋ nyəm tike tɔɔ ké pa nəyəsəyi, pə taya Yesu Kilisiti nyəm tɔɔ. ²² Mə mayamaya í nyəmá isəna Timotee inɪ i hulaa si i ké yulɔpaŋ tɔ, na isəna má na-i tə lapa təmle isu yulu na i pəyaya ke Laapaali Kupaŋ təm taa tɔ. ²³ Ma huɔ si ye ma kəma na má cekəna teu ke nti tə taa ma weɛ tɔ, ilɛ maa tili-i mə cɔlɔ. ²⁴ Na ma wena naani ké teu ke Tacaɔ toŋ tɔɔ si ma mayamaya maa polo mə teye nəɔnəɔ na má ná-mɛ.

²⁵ Ma mayasaa na má ná si pə kəla teu si tá taapalɔ Irafəlotiti, wei me í ka ha-m mpi maa laŋaa na í tilina-m si í kəna-m, na má na-i tə lakəna təmle na tá yooki yoou tɔ, inəyi maa yeke na í məli mə kin. ²⁶ I nyuləyi ké si í ná mə təna, haləna pə pekəla-i. Mpi tɔ, me í ka nuw i wɔsasi tə pə tɔɔ. ²⁷ Tampana tɔɔ isəntɔ, pə wu-i teu ké, haləna i caakaya səm. Ama Iso wii i pətətəle. Na pə taya i tike i nyəntɛ, na ma nyəntɛ tətəyɔ, si pə taa kɔɔ pə sɔɔsi-m laŋwakəlle ke lentɛ tɔɔ. ²⁸ Pə tɔɔ ké ma huɔ si maa kusi-i ləŋ təcav na í məli mə tɛ, na mu na-i na mə laŋa tasa hulɔmɔyɔ, na ma mayamaya ma laŋwakəlle tɛ mpɔ. ²⁹ Pə tɔɔ ilɛ í mɔ-i niŋ naale na laŋhulɔmle səsəle, isu pa mɔkuyɔ taapalɔ ke Tacaɔ təm taa tɔ. Yəlaɔ isu panɛ inɪ weye pə weɛ si í seeki. ³⁰ Pə taya pulɔ tɔɔ, Kilisiti təmle nyɔɔtu tɔɔ ké səm cɛɛ-i. I lapa i weesuɔu ke awusa ké na í kəna-m kəsənam mpi mə mayamaya í taa pəsəyi si í kəna-m tɔ.

3

N pɛlaa yaa n ta pɛli pə kɔlɔm

¹ Ma taapalaa, pənentaa í yɔɔlɔyɪ Taaɔa tɔm taa ilɛ. Kɔlɔmtɔ tənɛ tə ɲmaav kɛ tam u kuyɔ ma, na ntɪ inɪ tə tu kələɣəna-mɛɣɛ tampana hɔlɔyɔ. ² Ɔ la laakali na isayalataa, hasɪ nsi, yəlaa mpa pa kama nyuyɔ sɪ pɛlɔyɔ kɛ pɛlɔyɔ tɔ. ³ Mɛ pa pɛlɔyɔ kɛ mpi? Tayalɛ pɛllaa na tampana. Pə taya pulɔ tɔɔ, Isə Feesuyɔ wɛnna tá kin na táá lakɪ Isə tɔmlɛ. Na Yesu Kilisiti kɛ ta lakɪ na taa taaki, na pə taya yulɔ kɔlapələ haana taya naani. ⁴ Ye maa nɔkaa kɔlɔ, ma pəsəyɪ na má tɔ kɔlapələnaa panɛyɛ naani. Na ye nɔɣɔlɔ wɛɛ na í huɔki sɪ yulɔ kɔlapələ ká yelina na í tɔli-tɪ ilɛ, ma tɛɛ pɔntɔ kɛ kɔlapələnaa kɛ tɔpɔpɔ. ⁵ Nyəni, ma lɔlɔyɔ kuyɛɛn pələfɛi wule kɛ pa pɛla-m, na ma kɛ Isɛyɛli tɔ kɛ tɛsɪyɪsɪyɪ. Na ma kɛkələ ntɛ Pɛnsamɛɛ nyɔntɛ, na ma kɛ Hɛpələ tɔ kɛ tɛsɪyɪsɪyɪ. Na tayalɛ Falisanaa kɛ Yuta nyéma Isəsele tɔɲuyɔ taa. ⁶ Na maa sɛɛsa isələ kɛ pə taa kɛ pə fɛina, haləna má tɔkayana Yesu sɛɛlaa kɛkɛ kɛ kɔnyɔɲ. Na ye pa tɔma sɪ kɔsəsutɔ taa tɔm tɔɲuyɔ sɪ yulɔ í tɔɲ na pə lapɪ-i kɔpɔɲ tɔ tá tɔɲayana, taali nɔɣɔlɔ i taa wɛɛ ma kin. ⁷ Pənɛntɛ Kilisiti tɔɔ ilɛ, ma nyənəyɪ kɔpantɔnaa mpa ma muɣɔlayana tɔɣɔ mpi pu waasəyɪ pulɔ tɔɣɔ. ⁸ Na pə taya kɔpantɔnaa panɛ pa tike kɛ ma nyənəyɪ mpɔ, na kawaasi nsi sɪ tənaya ma nyənəyɪ mpi pu waasəyɪ pulɔ tɔɣɔ ma nyəm ma Səsə Yesu Kilisiti tɔ pə tɔɔ. Təpantɛ taa təpantɛ ntɛ tənɛ inɪ. Ɔ tɔɔ kɛ ma kɛɛla pə tənə mpi pə kɔsəyɪ ma nyuyɔ tɔ na má suna kɛpɛɲa, na ma nyənəyɪ pə tənə isɪ hute sɪ pə yɛle na má hiki Yesu Kilisiti, ⁹ na má na-i tɔ kɛntɪ teu kɛ kɔlɔm. Maa yɔɔlɔyɪ sɪ ma kɔsəsutɔ tɔkuyɔ tɔɔ kɛ pá yaa-m kɔpɔɲ.

Ama ma tɛma ma taa na Kilisiti tɔɔ ma lapa kupaŋ. Tɛnaɣa Iso hana pɛsuɣu si yɛlaa í la kupaɱa, na ye wei í mɔwa tá Sɔsɔ tɔm, pɔntu ke Iso haa pɛ pɛsuɣu. ¹⁰ Mpi ma nyulɛɣi teu tɔɔle si má nyi Kilisiti na i sɛm taa fem toma, si maa hiki i wahalanaa taa ké ma nyɛma na máá tɔɔ, na má si isu i sɛpu tɔ. ¹¹ Na má tɛlɛɣi si paa feesi maɣa mpɔ tɔtɔ.

Tɔ kaasɔɣu

¹² Maa yɔlɛɣi si ma tɛma hikuyɔ ke mpi ma pɛekaya tɔ se, yaa ma tɛma teu tɛkpataa. Ama ma tɔɱna lupɔ ké na má kaasɛɣi ma ti si má hiki ma asewa fɔtɔ. Mpi pɛ tɔtɔ, Yesu Kilisiti tɛma-m hikuyɔ na í kpa-m i kpa-m ké. ¹³ Ma taapalaa, maa huuki si ma tɛma pɛ fɔtɔ hikuyɔ se. Ama kulɔmtɔ nti ma nyɛmá tɔɔle si, ma yela ma waali nyɛntɔ ké, na má kaasɛɣi ma ti si má hiki mpi pɛ we ma nɔɔ tɔtɔ. ¹⁴ Pɛ tɔtɔ ké ma see na má pukina mpi pɛ suwa tɔ pɛ tɔtɔ, si má hiki pɛ fɔtɔ wei Iso yaa-tɔ si tɔ hiki isɔtaa ke Yesu Kilisiti kin tɔ.

¹⁵ Tá tɛna mpa tá tɔ ké yulɔkpasaa ke Iso nyɛntɔ taa tɔ, tɔ huɔ huwɛɛ kulɔmɛɛ anɛ. Na ye mɔ taa lelaa u huɔ mɔpɔɔ huwɛɛ anɛ a tɔtɔ, ulɛ Iso ká kilisi-mɛɣɛ-ti.

¹⁶ Mpaav ŋku tɔ tɛɱɛɣi halɛna saŋa tɔ, paa pɛ la isɛna tɔ tɛɱɛɣi-kuyɔ mpɔ.

¹⁷ Ma taapalaa, í keesɛna-m mɔ tɛna. Tɔ tɛma húlɔɔ ke isɛna í ká la tɔ, ulɛ í nyɛnɔɔɱna mpa pa laki isu tɔ hulɔɔ si pá laki tɔ. ¹⁸ Tam ké ma heeliɣi-mɛɣɛ-ti, na pɛnɛntaa isɛlɔm ke ma tasɔɔɱna-mɛɣɛ-tɛɣi heeluyɔ ke isɛntɔ. Paɣale wɛnna na pá wakɛlɛɣi mpi Kilisiti lapa i sɛm tesika tɔtɔ na pa yaasinaa asaya. ¹⁹ Pa tɔm ka tɛ tɛnaŋnaŋ, pɛ taya pulɔ tɔtɔ, pa hiliŋ ke pa tɛɱɛɣi, pɛ taya Iso. Na mpi pɛ nɔɔsɛna

pə la-wɛɣɛ fɛɛle tɔɣɔ pa yɔləɣəna. Na atɛ cənɛ nyəm tike tɔɔ kɛ pa laakalənaa wɛɛ. ²⁰ Pə kaasa tá tɔ tá tɛɣɛle isɔtaa, na tɔ taŋa teu tətɛɣɛtɛɣɛ sɪ tá Yatv tá Sɔsɔ Yesu Kilisiti í luna isɔtaa na í tii. ²¹ I toma nna i hɔlaa na í mɛŋna pə tənaya i tɛɛ tɔ, anəɣi i ká hólí na í layasɪ tá atɛ tənəŋ pətɔɔtɛle nyəŋ inɛ, na tɔ nəɣəsəna tənuyv teeli nyəŋkv.

4

Pɔɔli caaki sɪ pá laki nti tɔ

¹ Pə tɔɔ ilɛ ma taapalaa mpa mɛ ma nyuləɣi teu sɪ má tasa nav tɔ, mə hɛɛsəɣəna ma laŋle kɛ sɔsɔm, na mɛɣɛ ma yɔləɣəna. Ma yəlaa mɛ, isəna pə wɛɛ sɪ í tɔ teu kɛ Isɔ mpaav taa tɔɣɔɛ.

² Hai, ma wiikina Ifoti na Sentisi, ma hənta-wɛɣɛ atɛɣɛ cənɛ, sɪ pá ciiki isɪ Tacaa təm taa tɛɛtɔnaa lakɔɣv tɔ. ³ Na ma təmlɛ taa akpele kɔpəŋ nyá, ma wiikina-ŋ sɪ í səna alaa mpe tɔtɔ. Ma na-wɛ tɔ yoona yoou na tɔ yasɪ Laapaalı Kɔpəŋ kɛ paa timpɪ, na tá na Kələmaŋ na tá təmlɛ taa taapalaa lɛlaa təna mpa pa həla pa ŋmaa weesuyv takəlaya taa tɔ.

⁴ I yɔləɣi Tacaa mpaav taa kɛ tam. Ma tasəɣi-təɣi yɔɣɔtuyv sɪ í yɔləɣi.

⁵ I wɛɛ tɔpamm kɛ yəlaa təna kiŋ. Tacaa kəŋ nɔɔnɔɔ kɛ. ⁶ I taa nəɣəsəɣi natəli, paa nti tɔ mayana-mɛ í heeli Isɔ kɛ sələməɣv taa kɛ mpi í nyuləɣi tɔ, na í sɛɛ-i nyana təmlɛ. ⁷ Ye pə lapa mpu ilɛ laŋhulɔmlɛ nte Isɔ haa na yulv u pəsəɣi na í cəkəna tɔ tənaya tɔ tu wɛɛ mə lotunaa taa na mə ləmayasɛɛ taa kɛ Yesu Kilisiti təm taa, na pulv kaa pəkəli-mɛ.

⁸ Tɔv, ma taapalaa, mpi pə kɛ kɔpam na pə nəɣəsəna samtv tɔ pə tɔɔ kɛ í ká pona laakali.

Mpəɣəle mpi pə ké tampana nyəm, na mpi pə nəɣəsəna pa tɔna-wi, na mpi pə kɛɛsaa tɔ, na mpi pə fɛi asilima, na mpi pə wɛ teu, na mpi pə kɔsəyi nyɔɔv tɔ. ⁹ Ma hula-mɛɣɛ na má kɛɛsi-mɛ, í laki nti í nu ma yɔɣɔtaa na í nawa ma lapa tɔ. Isɔ wei i haa-tɔɣv alaafɔya tɔ i ká wɛɛ mə waali.

Pɔɔli sɛɛtv ke Filipo nyɔ́ma

¹⁰ Ma larɔle huluma Tacaa tɔm taa ké isəna mpi í hika pəsɔɣv na í tasa-m hólóyú si í tɔɔsəyi ma tɔm tɔ. Uɛ pə taya isu ma yɔɣɔtəyi si í ka yela ma tɔm ke huɔv. Ama pə mpaav ke í taa hikita si í hólí-m si í huɔki ma tɔm. ¹¹ Na pə taya pə caala-m tɔɣɔ ma yɔɣɔta isəntɔ. Ye ma wɛ isəna, ma tɛma pələ pə taa cayale layatv hiiu ké. ¹² Ye ma wɛ kɔnyɔɔɔ taa, ma nyəmá ma kɔnyɔntɔle tɔntɛ. Na ye ma wɛ hayanaɣa taa, ma nyəmá pələ pə taa tɔntɛ. Paa le na pə təna pə taa, ma tɛma isəna maa cayə na pə kɛɛsəna-m tɔ pə layatv hiiu ké. Ye ma wɛna tɔɣɔnaɣa ke sɔsɔm, ma nyəmá tələ. Na ye ma wɛ nyɔɣasi taa, ma nyəmá tələ. Ye pə tɔɔləna-m ma nyəmá. Ye pəcɔɣɔ ma wɛna, ma nyəmá. ¹³ Ma pəsəyi pə tənaya n̄p̄yú Kilisiti wei i haa-m toma tɔ i tɔɔ ké. ¹⁴ Paa na mpv, í tɔɣɔv ma kɔnyɔɔɔ tɔ í lapa teu ké.

¹⁵ Filipo nyɔ́ma mɛ, mə maɣamaɣa í nyəmá si ma lunav Masetoni ke waatv wei na Laapaali Kɔpəɔ heeluyv tɔm caalaya kɔntɛ tɔ, mə Yesu sɛɛlaa kpekəle tike sənna-m. Mə tike í tɔna-m niɔ ke ma kawaaɣa na ma asalavnaa pə taa. ¹⁶ I ka tɛma-m mə kɔsənamnaa tilinav ke maa wɛv Tesaloniki tɔ na pə tɛma-m teu. ¹⁷ Pə taya isu kɔcɔɔɔ isələ taa maɣamaɣa ke ma nyənəyi se, ama ma caa ké si pə məɣna-mɛɣɛ mə tɔləsələnaa. ¹⁸ Ma nawa pə təna mpi í tilinaa tɔ,

na pə təʊv feina taka. Ipaʔəlotiti kəna-m mə kuvəʊŋ tə, pəneŋta pə təna pə tələna-m yem ké. Mə kuvəʊŋ wε ké isu kətaya wεv səʊsvŋ ke teu, na Iso muvi-ke na ká wε-i teu pə tu fei tə. ¹⁹ Ma Iso ká kpaɣa i apititu kuvantv nti tə wε Yesu Kilisiti kin tə tə taa na í ha-meɣe mpi mpi í laŋaa tə. ²⁰ Tá Caa Iso inəɣəle teeli tv ke tam təʊ. Ami.

Kantəkaya seetv

²¹ I see Iso yəlaa təna mpa pa wε Yesu Kilisiti mpaav taa tə. Tá taapalaa mpa pa wε ma kin cəne tə pa see-me. ²² Iso yəlaa təna mpa pa wε cəne tə pa see-me, ilena pə tu kələna Iso yəlaa mpa pa wε Lom wulav təɣaya taa tə.

²³ Tá Səʊ Yesu Kilisiti í hólí mə tənaya i pεεεε.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377